

DIVŠŠOHASA IEŽAS OVDDASVÁSTÁDUS

Go dus lea rekvisišuvdna divššohasmátkái, de das čuovvu maid ovddasvástádus dutnje divššohassan.

Don fertet leat gearggus buori áiggis, ja dohkkehít ahte mátkkis šaddá vuordit.

Divššohasmátkedoaimmahat pláne divššohasmátkkiid nu, ahte mánga divššohasa johtet ovttain droššiin/sáhttobussiin go nu lea geavatlaččat vejolaš ja dearvvašvuoda vuodul dohkálaš. Ovttas johtimiin du dearvvašvuodafitnodahkii báhcá eanet ruhta dálkkodeapmái.

Fuomáš, ahte rekvirerejuvvon sáhttu sáhtta leat maid eará fievrriiguin go droššiin/sáhttobussiin.

Don fertet álo diedihit divššohas- mátkedoaimmahakii

☎ **05515 jos:**

- du dálkkodanáigi rievda
- don it áiggo johtit
- diŋgojuvvon sáhttu ii boađe

Vai dutnje buhtadivčče mátkegoluid, go leat johtán rekvisišuvnna haga, de lea dus ovddasvástádus sáddet

mátkerehetskovi ja dárbbalaš dokumentašuvnna **6 mánu siste dálkkodeami rájes.**

GIRDIIN JOHTIN

Girdimátkkiid ferte diŋgot johtileamos lági mielde, go leat ožžon gohččuma dálkkodeapmái. Girdimátkkiid galgá álo diŋgot Divššohasmátkkiin ☎ 05515.

DEARVVAŠVUODABUSSET

Riikka muhtun osiin dearvvašvuodafitnodagat geavahit Helseekspressa ja eará dearvvašvuodabussiid. Dain lea vuogas johtit, nu ahte dutnje sihkkarastet buori ja vuogas mátkki, ja daid geavahit dego droššiid. Helseekspressas lea loktenrusttet ja lápmásiid hivsset, ja dasa lassin sierra sajít guoddinmuoraide ja juvlastullui. Riikka muhtun osiin don dárbbasat rekvisišuvnna dearvvašvuodabusse/Helseekspressa geavaheapmái, muhtun sájiin lea doarvái čájehit dálkkodeapmái gohččuma. Divššohasmátkedoaimmahagas sáhttet mitalit dutnje mii du guvlui guoská.



LEAT GO DUS JEARALDAGAT DIVŠŠOHASMÁTKKIID BIRRA?

Ringge iežat báikkálaš divššohasmátkedoaimmahakii ☎ **05515**
dahje geahčas www.pasientreiser.no

Go geavahit divššohasmátkkiid riehta, de sihkkarastit buohkaide,
geat dan dárbbasit, buoret dearvvašvuodafálaldaga.

HELSE ●●● NORD

HELSE ●●● MIDT-NORGE

HELSE ●●● VEST

HELSE ●●● SØR-ØST

EHK, Torche Nilsen AS, 241 749 - Samisk, 1.000 01.11 Samás: ABC-Company, Karasjok



Diedut divššohasmátkkiid birra

- du vuoigatvuohta oažžut buhtadusa mátkegoluin

HELSE ●●● NORD

HELSE ●●● MIDT-NORGE

HELSE ●●● VEST

HELSE ●●● SØR-ØST



Divššohasmátkkit leat mátkkit almmolaččat dohkkehuvvon dálkkodeapmái ja ruovttoluotta. Du báikkálaš dearvvašvuodafitnodagas dat lea ovddasvástádus divššohasmátkkiin, ja dat maid gokčá du mátkki.

DU VUOIGATVUOĐAT

Dus lea vuoigatvuohta oažžut vealtameahtun goluid buhtaduvvot, go mátkkoštát dálkkodeapmái ja ruovttoluotta. Váldonjuolggadusa mielde dutnje buhtadit hálbimus johtinvuogi ruvttofievrruin lagamus dálkkodansadjái ja ruovttoluotta. Dálkkodansadjái galgá leat unnimusat golbma kilomehtera, ja mátki galgá máksit eanet go báikkálaš unnimus máksomearri ruvttofievrruin. Don ieš ordnet mátkki ja sáddet mátkerehkega maŋŋá. Girdimátkkiid galgá diŋgot báikkálaš divššohasmátkedoaimmahaga bokte.

Don ieš válljet mo háliidat johtit, muhto jos válljet geavahit *eará* go ruvttofievrru, de dutnje gokčēt dušše supmi, mii vástida hálbimus ruvttofievrru.

Golut buhtaduvvojit, go leat deavdán mátkerehketskovi ja sádden

dan dearvvašvuodafitnodagaid divššohasmátkeguovddázii (Helseforetakeres senter for pasientreiser ANS – čujuhusa gávnna skovis). Muite bidjat mielddusin duodaštusa das, ahte leat boahtán dálkkodeapmái, ja buot originálaguittiid. Mátkerehketskovi, bagadusa ja konfaluhta, mas lea čujuhus, don oaččut iežat dálkkodeaddjis. Mátkerehketskovi ja bagadusa sáhtát maid viežžat neahttasiiddus www.pasientreiser.no. Jos riŋget Pasientreiserii © 05515, du veahkehit skovi deavdimiin.

Fuomáš, ahte buhtadangáibádusa galgá sáddet 6 mánu siste mátkki dahkamis.



IEŽASOASSI

Buot divššohasmátkkiin don galggat máksit iežasoasi, maid Stuorradiggi lea mearridan. Jagi 2011 iežasoassi lea eanemusat kr 130 goappáge guvlui. Iežasoassi lea friijakoartta vuodđun. HELFO čállá dearvvašvuodabálvalusaid friijakoarttaid ja dat sádde koartta automáhtalaččat poastta mielde go leat máksán eanet go kr 1 880 iežasoassin (jagi 2011 lohku). Eanet dieđuid friijakoartta birra: www.helfo.no/frikort dahje Friijakoartatelefovnna 815 70 050.

2011 rájes logahallet buot divššohasmátkkiid iežasosiid automáhtalaččat du friijakoartavuđđui. Rája fal guittiid, ja dárkkis ahte buot iežasoasit leat mielde, go oaččut friijakoartta poasttas. Friijakoartta ferte čájehit, go jođát divššohasmátkkis.

Vuollái guhttanuppelot jahkásaš mánná, vealtameahtun mieđušteaddji ja olmmoš, geas lea friijakoarta, ii galgga máksit iežasoasi. Jos geavahat friija buohceviessoválljema, lea iežasoassi (jagi 2011 loguid mielde) kr 400 goappáge guvlui. Dat iežasoassi ii gula friijakoartavuđđui. Friija buohceviessoválljen oaivvilda, ahte válljet eará dearvvašvuodaguovllu buohceviessu, go iežat ássanguovllu.

MÁTKEREKVISIŠUVDNA DEARVVAŠVUOĐA GEAŽIL

Jos dearvvašvuoda geažil it sáhte johtit ruvttofievrruin, de sáhtát oažžut rekvisišuvnna eará fievrruin johtimii. Du dálkkodeaddji dat galgá árvvoštallat du dárbbu rekvirerejuvvon johtimii ja vejolaččat čállit rekvisišuvnna. *Rekvisišuvnna galgá álo čállit ovdal mátkki.*

Jos áigget vuosttaš háve dálkkodeapmái buohceviessu, de rekvisišuvnna galgá čállit vuodđodearvvašvuodabálvalusa dálkkodeaddji, ovdamearkka dihte du fástadoavttir. Jos geardduhat dálkkodeami, de galgá dálkkodeami čadaheaddji čállit rekvisišuvnna mátkái goappáge guvlui.

Rekvisišuvnna ii sáhte čállit mátkki maŋŋá. Jos fertet dálkkodeapmái johtilit, ovdamearkka dihte doavtterfávta lusa, de fertet čielggadit johtinrekvisišuvnna dárbbu dálkkodeddjiin ovdal johtima. Jos rekvisišuvnna ii leat čielggaduvvon ovddalgihtii, de don fertet ieš máksit mátkki ja maŋŋá sáddet mátkerehketskovi dearvvašvuodafitnodagaid divššohasmátkeguovddázii (Helseforetakeres senter for pasientreiser ANS). Jos dálkkodeaddji



lea ovttá oavilis dan hárrái, ahte don dárbbasit rekvisišuvnna mátkkis, de son ferte addit dutnje čálalaš cealkámuša dan hárrái. Dan don sáddet mátkerehkega ja goluid dokumentašuvnna mielde.

Du dálkkodeaddji čállá rekvisišuvdnii erenoamáš dárbbuid. Dakkár dárbbut soitet leat čohkkánvuohki dahje mieđušteaddji dárbu.

Mátkkit apotehka bokte dahje eará priváhta áššiid doaimmahemiide eai gokčojuvvo.

GO MÁTKKIS LEAT MÁNŊA OASI

Don soaittát leat ožžon rekvisišuvnna oassái mátkkis, muhto it olles mátkái. Nu sáhtá leat ovdamearkka dihte dalle, go jođát osiid mátkkis sierra fievrruiguin. Don sáddet mátkerehkega dušše mátkki oasis, masa dus *ii* leat rekvisišuvnna. Vaikko du mátkkis leat mánŋa oasi, de galggat máksit dušše ovttá iežasoasi olles mátkkis (ovtta guvlui).

MÁTKKI PLÁNEN

Jos ruvttofievrrut eai jođe, de sáhtá muhtumin oažžut dan geažil rekvisišuvnna eará fievrruin johtimii. Du báikkálaš divššohasmátkedoaimmahat © 05515 mearrida leago dus vuoigatvuohta

dasa. Divššohasmátkedoaimmahat árvvoštallá guđe fievrruin johtin lea ulbmillaš dutnje ja veahkeha du plánet mátkki.

Go riŋget divššohasmátke-doaimmahakkii, mii jearrat dus dáid dieđuid:

- Namma
- Riegádanummir (11 logu)
- Telefonummir
- Gosa don jođát ja gosa máhcat
- Dálkkodanbeaivi ja -áigi

Don fertet riŋget mañimusat dii 13.00 mañimuš árgabeaivvi ovdal johtima.

MIEĐUŠTEADDJI

Jos don medisiinnalaš dahje dálkkodeapmái guoskevaš ákkaid geažil dárbbasat mieđušteaddji, de lea mieđušteaddjis vuoigatvuohta oažžut buhtaduvvot dárbbaslaš goluid du mieđušteami oktavuodas. Dálkkodeaddji ferte dokumenteret mieđušteaddji dárbbu. Jos jođát rekvisišuvnna haga, de ferte dokumentašuvnna bidjat mátkerehketskovi mielddusin.